

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUDU U GRADAČCU
Broj: 28-0-Su-26-000 359
Datum, 27.04.2026.godine**

Na osnovu člana 31. stav 1. Zakona o sudovima u Federaciji Bosne i Hercegovine („Službene novine FBiH“, broj 38/05,22/06,63/10,72/10,7/13,52/14 i 85/21), člana 8. tačka j) Pravilnika o unutrašnjem sudskom poslovanju („Službeni glasnik BiH“, broj: 66/12,40/14,54/17,60/17), u vezi sa članom 14. stav 1. Zakona o zaštiti ličnih podataka („Službeni glasnik Bosne i Hercegovine“ broj 12/25), predsjednica suda donosi sljedeća:

PRAVILA PRIVATNOSTI

Cilj pravila privatnosti Općinskog suda u Gradačcu u skladu sa članom 14. Zakona o zaštiti ličnih podataka (u daljem tekstu Zakon), je da svim osobama čije lične podatke obrađuje pruži osnovne informacije o obradi ličnih podataka na transparentan način.

1.Pravni osnov za obradu ličnih podataka

Vaše lične podatke Sud obrađuje u skladu sa članom 8. stav 1. tačka c) i e) Zakona, izvršavajući svoje pravne obaveze i ovlaštenja.

2.Svrha obrade ličnih podataka

2.1 Vaše lične podatke Sud obrađuje ispunjavajući svoje pravne obaveze u skladu s članom 8. stav 1. tačka c) Zakona u svrhu :

- izrade statističkih, strateških i drugih dokumenata,
- odgovora na zahtjeve za slobodan pristup informacijama
- evidencije stranaka, njihovih zakonskih zastupnika i punomoćnika, notara i drugih osoba koje se evidentiraju u informacijski sistem za automatsko upravljanje predmetima (CMS),
- upisa podataka u druge evidencije koje Sud vodi na osnovu zakona,
- zapošljavanja u Sudu
- izrade ostalih dokumenata u okviru realizacije naloga utvrđenih od strane Visokog sudskog i tužilačkog vijeća Bosne i Hercegovine.

2.2 Vaše lične podatke Sud obrađuje na osnovu legitimnog interesa iz člana 8. stav 1. tačka f) Zakona u svrhu:

- učestvovanja sudija, stručnih saradnika, državnih službenika, namještenika i drugih zaposlenika Suda na edukacijama i predavanjima,
- učestvovanja drugih osoba koje nisu zaposlenici Suda, u slučajevima kad Sud organizuje edukacije, predavanja ili slične aktivnosti.

3. Prava nosilaca podataka u vezi sa obradom ličnih podataka

U skladu sa Zakonom o zaštiti ličnih podataka, uz izuzetke propisane posebnim zakonom, imaju sljedeća prava:

- **Pravo na pristup ličnom podatku-** u okviru ovog prava mogu se tražiti informacije o svrsi obrade, kategoriji ličnog podatka koji se obrađuje, predviđenom u roku u kojem se čuva lični podatak, primaocu ili kategorijama primalaca kojima je lični podatak otkriven ili će biti otkriven. Pristup ličnom podatku može biti ograničen samo u slučajevima kada je posebnim zakonom propisano ograničenje.
- **Pravo na ispravak ličnog podatka-**pravo zahtijevati ispravljanje ili dopunjavanje netačnog ličnog podatka ako podatak nije tačan i potpun. U zahtjevu navesti šta nije tačno i potpuno te u kojem smislu bi trebalo navedeno ispraviti te dostaviti potrebnu dokumentaciju u prilog svojih navoda.
- **Pravo na ograničenje obrade** - nosilac podataka ima pravo zahtijevati od kontrolora da ograniči obradu njegovih ličnih podataka u sljedećim slučajevima: ako osporava tačnost ličnih podataka (za period koji omogućava kontroloru provjeru tačnosti), ako je obrada nezakonita a nosilac podataka se protivi brisanju i umjesto toga traži ograničenje korištenja, ako kontroloru podaci više nisu potrebni za svrhu obrade ali ih nosilac podataka traži radi postavljanja, ostvarivanja ili odbrane pravnih zahtjeva, te ako je uložio prigovor na obradu u skladu sa članom 20. Zakona, a još nije utvrđeno da li legitimni interesi kontrolora pretežu nad interesima nosioca podataka.
- **Pravo na opoziv saglasnosti** - u slučajevima kada se obrada zasniva na saglasnosti nosioca podataka, nosilac podataka ima pravo u svakom trenutku opozvati datu saglasnost, pri čemu opoziv saglasnosti ne utječe na zakonitost obrade koja je vršena na osnovu saglasnosti prije njenog opoziva.
- **Pravo na prigovor-**pravo u svakom trenutku podnijeti prigovor kontroloru podatka na obradu ličnog podatka u skladu sa članom 8. stav 1. tačka e) ili f) Zakona, uključujući profiliranje utemeljeno na tim odredbama.
- **Pravo na brisanje-** ako lični podatak više nije potreban za svrhu za koju je prikupljen, ako je nosilac podatka povukao saglasnost na kojoj je obrada utemeljena, ako je nosilac podatka uložio prigovor na obradu u skladu sa članom 23. stav . Zakona i ne postoje zakonski razlozi za obradu ili je nosilac podatka uložio prigovor na obradu u skladu sa članom 23. stav 2. Zakona, ako je lični podatak nezakonito obrađen u skladu sa članom 23. stav 2. Zakona, ako je lični podatak nezakonito obrađen, ako ne postoje drugi pravni osnovi za obradu podatka.

Izuzeci za ostvarivanje prava na brisanje- radi ostvarivanja prava na slobodu izražavanja i informisanja, radi poštivanja zakonske obaveze kojom se zahtijeva obrada propisana posebnim

zakonom, a koja se primjenjuje na kontrolora podataka ili izvršenja zadatka koji se obavlja u javnom interesu ili u izvršenju službenih ovlasti dodijeljenih kontroloru podataka, u svrhe arhiviranja u javnom interesu, u svrhe naučnog ili historijskog istraživanja ili u statističke svrhe u skladu sa članom 56. stav 1. Zakona u mjeri u kojoj je vjerovatno da se pravom iz stava 1. može onemogućiti ili ozbiljno ugroziti ostvarivanje ciljeva te obrade ili postavljanja, ostvarivanja ili odbrane pravnih zahtjeva.

Za ostvarivanje svojih prava nosioci podataka se mogu obratiti ovom Sudu putem kontakt podataka navedenih u ovim Pravilima.

4. Sigurnost ličnih podataka

Podaci se obrađuju tako da se osigura odgovarajuća sigurnost ličnih podataka, uključujući i zaštitu od neovlaštene ili nezakonite obrade i od slučajnog gubitka, uništenja ili oštećenja primjenom odgovarajućih tehničkih i organizacionih mjera zaštite. U cilju zaštite lica i imovine, kao i obezbjeđenja sigurnosti prostora, u Općinskom sudu u Gradačac postoji videonadzor, koji se vrši u skladu sa Zakonom o zaštiti ličnih podataka i drugim pozitivnim propisima.

5. Objava sadržaja na web stranici

Objavljivanje sudskih odluka, informativnog sadržaja na web stranici suda vršit će se u skladu sa važećim zakonima, poštujući princip transparentnosti rada sudova, uzimajući u obzir javni interes, pravo na zaštitu privatnosti i zaštitu ličnih podataka, te zaštitu interesa maloljetnika, svjedoka i oštećenog.

6. Prenos ličnih podataka drugim kontrolorima podataka

Vaše lične podatke sud može dati drugim kontrolorima podataka ukoliko je to potrebno za izvršavanje zakonom propisanih obaveza. Vaše lične podatke sud da je pružaocima informatičko-komunikacijskih usluga sa kojima je zaključio ugovor i na način da se poštuju pravila postupanja sa ličnim podacima.

7. Vremenski period čuvanja ličnih podataka

Vaše lične podatke Sud obrađuje u vremenskom periodu koji je potreban da se ispuni svrha njihov obrade. Nakon prestanka svrhe u koju su prikupljeni, Vaši lični podaci više se ne koriste, ali se čuvaju u arhivi onoliko vremena koliko obavezuju zakonski propisi o arhivskoj građi.

8. Izmjena Pravila privatnosti

Sud zadržava pravo izmjene i dopune ovih Pravila privatnosti u skladu sa izmjenama zakonskih propisa ili u skladu sa praksom. Sve eventualne izmjene će biti objavljene na web stranici suda.

9. Podaci o službeniku za zaštitu ličnih podataka

Dijana Sitarević, stručni saradnik za informisanje i obradu zahtjeva za pristup informacijama.

[e-mail:dijana.sitarevic@pravosudje.ba](mailto:dijana.sitarevic@pravosudje.ba), telefon:035/821-280

Osnovna uloga službenika za zaštitu ličnih podataka je davanje savjeta i preporuka o obradi ličnih podataka rukovodstvu i zaposlenicima Suda koji rade na poslovima obrade ličnih podataka, te nosiocima ličnih podataka čiji se lični podaci obrađuju od strane Suda.



PREDSJEDNICA SUDA
Slobodanka Kojić